




中國水利要籍叢編

沈雲龍主編

黃運河口古今圖說

麟慶撰

文海出版社印行

K928.4

L552

蘭 圃 圖 卷 之 一

戈載題



周禮堂藏書

河口圖說序

治河難治河而兼治漕則尤難我

國家歲漕東南數百萬粟皆藉淮渡河而北上達

天庾顧河常強淮常弱非有人力以低昂之鮮克有濟所以三百
年來河口情形屢易而成此局也道光癸巳冬

麟慶

仰蒙

恩命簡調南河適當灌塘甫定之際議者蜂起且承

訓誡責復舊規履任後殫精竭忱思所以仰慰

宸厪乃親履河湖測量地勢高下詳詢古今情形考諸簡牘訪之
幕僚僉以爲灌塘雖非長策舍此現無良法因而悟今之不
能如昔猶昔之不能爲今也因時制宜人也而實天也爰率


所屬將塘之狹者廣之隄之卑者增之河淤也而加浚閘壞也而重修人事增勤規模粗備七年以來灌放空重漕船共啓閉塘河四十八次幸得仰賴


聖主洪福遄行無悞獨是袁江爲水陸衝衢冠蓋絡繹過客問疑憚於口述因自前明至今考其沿革損益繪爲十圖圖繫以說嗣得徐子仰庭灌塘說沈子香城河口說均於斯事互有發明因并附錄于冊庚子春桃花水發防汛上游訪徐子於白洋河執是編而就正之徐子以爲善勸付梓且曰漕治而後河治非兩事也歸囑友人鍾子鑑之重加校訂聊以備後之君子考核云爾

道光二十年歲在庚子九月霜清節前三日長白麟慶自敘
於南河節署行所無事之軒

前明嘉靖年河口圖

吳城鎮





前明嘉靖年河口圖說

清河縣志載洪澤湖本古淮浦縣地連三郡淮水經其旁昔爲洪澤鎮洪澤館洪澤村洪澤橋宋並置驛乃士大夫停驂

商賈輻輳之所也東北通富陵湖

卽古富陵縣漢明帝時淪爲湖南通白水塘有三堰

障水護田堰不治沿及洪澤

按白水塘在山陽寶應二縣之西八十五里卽今高堰以東山寶二縣運河西岸地讀史

方輿紀要云白水塘關三十里周二百五十里北接山陽南接盱眙卽古之射陂也鄧艾築三堰溉田宋元嘉末決此堰以灌索鹵而水入富陵以達淮後屢修之蓋障水西流入洪澤諸湖而害淮也自白水塘堰敝水勢

橫流又宋元迄明黃潰入淮淮不能容於是滙萬家泥墩富陵等湖總爲一湖而明正德以前猶湖自爲湖淮自爲淮也平江伯陳瑄開清江浦運河從府西管家湖三十里入七里

溝東界南出三里溝引湖水入淮與清河口相直建四閘於

新河曰移風

在清江浦下十五里本係板閘後廢土人至今呼其地曰板閘昔屬山陽今因之

曰清

江

在清浦後改名龍汪乾隆四年復名清江昔屬山陽今屬清河

曰福興

在今千根旗桿之上鳳陽縣距清江

十五里後廢土人至今呼其地曰老二閘昔屬山陽今屬清河

曰新莊

在今惠濟祠後新莊鎮東明時以無用廢

棄

又於運口建通濟閘

河防志云本名通濟俗稱天妃

以資啓閉


考各治河書並志書

皆載明嘉靖中濁流墊淤天妃閘總河連鎮塞天妃口別開三里新河建通濟閘改運口於馬頭鎮南隆慶中閘底淤墊總河萬恭復開天妃閘萬歷六年總河潘季馴以天妃閘直接黃河不免內灌因棄閘爲壩移通濟閘於甘羅城東相去舊閘不及一里改運口斜向西南以避黃淮交會之處不過二稱新莊靳文襄公治河書言其口距黃淮交會之處不過二百丈黃水仍復內灌爰申啓閉之條乃不得已之圖非不易之策也蓋當時河口東南泰山墩七里墩一帶森然巨浸舍通濟閘之外別無彼善於此之地地形水勢實限之以不得不然耳

按現在徐州以下至河口黃河經行之途乃昔泗水入淮故道禹貢所謂入於淮達於海者也明宏治時築斷黃陵岡北流斷絕河恆南行維時猶由賈魯河舊迹循永城亳州渦河入淮亦偶決入泗河由桃源三義鎮入黃家嘴逶清河縣治後會淮經山陽安東下雲梯關入海卽圖內所稱大清河後人所謂老黃河者是也黃旣不常入泗縱入亦係賈魯河分流其入淮之處距清口尙遠故至嘉靖初年雖洪澤諸湖已漚爲一而河口未嘗倒灌淮得暢出其河口情形猶與明初相同迨嘉靖初年以後黃常入泗三義口淤塞河流南徙於清河縣前與淮水交會於小清口

黃強淮弱橫截河口於是淤湖淤運百病叢出矣又按河
口本名清口乃古淮泗交會之處淮水本清泗猶視淮爲
清故有清口之名縣名清河者亦以此馬頭鎮古淮陰縣
治所晉安帝時設楚州卽今淮安府治始廢縣爲鎮明永樂以後
則爲漕運咽喉清河縣兩治於此以甘羅城爲城後又移
治河北乾隆二十六年始移清江浦昔爲山陽縣地分山陽縣地
上自新莊鎮東北起下至清江閘下臧家馬頭迤南止與
清河

康熙二年河口圖



康熙十一年河口圖說

前明隆慶萬歷間黃日南徙上下數千里告決頻仍淮爲黃
遏河口日淤於是淮湖相連滙成巨浸咸名之曰洪澤湖較
之駱馬射陽不啻十倍

國初承明季敝壞之後河口民田皆成澤國其三義壩以上黃
流分岔由新莊口下行之處乃康熙十一年決口由官亭漁
溝兩鎮之中下達安東漫流循南北潮河入海而安東境內
之湖蕩亦復滄桑異迹矣

按黃河會淮入海黃趨而下潮擁而上海口兩岸積沙成
灘數百年來所長之灘長數百里近海得水之區多生蘆